



SAKSPAPIR

Saksnr	Utval	Type	Dato
60/2018	Formannskap/plan- og økonomiutvalet	PS	03.09.2018
	Kommunestyret	PS	

Sakshandsamar	Arkiv	ArkivsakID
Tore Henrik Øye	FA - V50	18/39

AVTALE OM VETERINÆRTENESTER I VOSS VEST OG VOSS AUST VAKTDISTRIKT TIL OG MED 2020

Rådmannen sitt framlegg til vedtak:

1. Vaksdal kommune skal nytte avsette kompensasjonsmidlar for veterinærpraksis på dagtid i kommunen som kommunal eigendel for å sikre tilstrekkeleg tilgang på dyrehelsepersonell i veterinærvaktområdet (Voss vest og Voss aust).
2. Vaksdal kommune gjev si støtte til at Eidfjord kommune vert del av vårt veterinærvaktdistrikt (Voss vest og Voss aust) på dagtid.
3. Vaksdal kommune samtykker i at Voss kommune vert fast administrasjonskommune for veterinærvakt i Voss vest vaktdistrikt og Voss aust vaktdistrikt

Formannskap/plan- og økonomiutvalet - Sak 60/2018

FPØ - Behandling:

Samrøystes vedtak.

FPØ - Tilråding:

1. Vaksdal kommune skal nytte avsette kompensasjonsmidlar for veterinærpraksis på dagtid i kommunen som kommunal eigendel for å sikre tilstrekkeleg tilgang på dyrehelsepersonell i veterinærvaktområdet (Voss vest og Voss aust).
2. Vaksdal kommune gjev si støtte til at Eidfjord kommune vert del av vårt veterinærvaktdistrikt (Voss vest og Voss aust) på dagtid.
3. Vaksdal kommune samtykker i at Voss kommune vert fast administrasjonskommune for veterinærvakt i Voss vest vaktdistrikt og Voss aust vaktdistrikt

Saksopplysningar:

Kort om saka

Kommunane fekk i 2008 fekk ansvaret for å sikre tilfredsstillande tilgang på tenester frå dyrehelsepersonell innanfor ordinær arbeidstid, og å organisere klinisk veterinærvakt utanom

ordinær arbeidstid.

Slik utviklinga har vore er det turvande å nytte avsette kompensasjonsmidlar for veterinærpraksis på dagtid i kommunen som kommunal eigendel for å sikre tilstrekkeleg tilgang på dyrehelsepersonell i veterinærvaktdistriktet (Voss vest og Voss aust). Det er framlegg om at Voss kommune vert fast administrasjonskommune for veterinærvakt i Voss vest vaktdistrikt og Voss aust vaktdistrikt

Saka tek også stilling til om Eidfjord kommune vert del av vårt veterinærvaktdistrikt (Voss vest og Voss aust) på dagtid.

Heimel:

I følgje § 3a i Lov om veterinærer og annet dyrehelsepersonell (dyrehelsepersonellova) frå 1975, har kommunane ansvar for følgjande:

- Kommunane skal syta for tilfredstillande tilgang på tenester frå dyrehelsepersonell.
- Kommunane har ansvar for å organisere ei klinisk veterinærvakt utanom ordinær arbeidstid.

Bakgrunn/fakta

VETERINÆRTILGANG PÅ DAGTID

I stadig større deler av Noreg er landbruket inne i ei negativ utvikling, med reduksjon i tal bruk og tal dyr. Verknaden vert at næringsgrunnlaget for veterinærane vert svakare. I dette høve har kommunane ansvar for å sikre tilstrekkeleg veterinærtenester på dagtid i næringsssvake område, og Staten har avsett stimuleringstilskot til føremålet. Kommunane i Voss vest og Voss aust søker om felles tilskot for veterinærområda kvart år. I 2017 fekk områda kr 360 000,- i samla tilskot, medan det er løyvd kr. 400 000 for 2018. Stimuleringstilskotet går til fråtrekk på kommunane sin eigenandel.

For å sikre fast veterinærdekning, har Vaksdal kommunen og Modalen kommune inngått avtale med veterinær Asle Bjørgaas om dyrehelsetenester på dagtid i kommunane fram til 31.12.2020. I dette høve er det sett av inntil kr. 300 000,- årleg i kompensasjonsmidlar frå dei to kommunane. Vaksdal kommunen skal dekkje 70 % av finansieringsbehov, som vil variere frå år til år, alt etter kor mykje av stimuleringstilskotet som vert bruk til føremålet. I 2017 betalte Vaksdal kommune kr. 35 000,- og Modalen kommune kr.15 000,-. Resten vart finansiert gjennom stimuleringstilskotet.

VETERINÆRVAKT UTANOM ORDINÆR ARBEIDSTID

Den kliniske veterinærvakta utanom ordinær arbeidstid, vert også organisert av kommunane i dei to vaktområda (Voss vest og Voss aust). Staten har avsett midlar som skal dekkje kostnadane med vakta (minimumsgodtgjersle). For 2018 har våre to vaktdistrikt motteke kr 1.439.089,- i vakttilskot og kr 68.082,- i administrasjonstilskot. Administrasjonen av ordninga har gått på rundgang mellom kommunane, og Staten betalar ut tilskot til administrasjonskommunen. Etter oppmoding frå Landbruksdirektoratet, som fann det krevjande å stadig halde seg til nye ansvarlege for veterinærvakt, har dei andre kommunane oppmoda Voss kommune til å verte fast administrasjonskommune.

ÅRLEG FINANSIERINGSBEHOV

Etter utlysing av tilbodskonkurranse om deltaking i veterinærvakta, vart det i 2013 inngått avtale med dagens veterinærer for perioden 2014-2017, med høve til forlenging for åra 2018 og 2019. Kommunane må leggja midlar i potten for å få til ei forlenging. Årlege kostnader er kr 1.245.000,-, redusert med stimuleringstilskot, som for 2018 er kr. 400 000,-. Ved å fordele beløpet på 6 samarbeidskommunar, vert det kr. 140 833,- per kommune.

For 2018 kjem eit tillegg på kr 100 000,- i rekrutteringstilskot til ny veterinær i veterinærområdet. Tillegget svarer til kr. 16.667,- per kommune. Vaksdal kommune sin del av dei samla utgiftene, vert soleis kr 157.500,-. I 2019 vert den redusert til kr. 140 833,- (minus rekrutteringstilskotet).

Våre vakt-distrikt har i dag 3-delt vakt. Med rekrutteringstilskotet er målet på sikt å få minimum ei 3,5- delt vakt. I tillegg til kontraktdokument frå 2013, er det som nemnd gjort ein tilleggsavtale i 2018 som omfattar denne kostnaden. Kommunane i vakt-distriktet (Voss vest og Voss aust) har teke atterhald om kommunal godkjenning i alle 6 kommunar for at tillegget til kontrakt skal gjelde.

EIDFJORD KOMMUNE SOM NY SAMARBEIDSPART

På grunn av vegstenging av Rv. 13 ved Deilde i Sørpfjorden dei siste 2-3 åra har veterinærar frå våre veterinærområde handtert det geografiske området nord for Deilde, som ligg i eit anna veterinærvaktområde (Hardanger). Eidfjord kommune har gode erfaringar med denne praksisen, og ønskjer overgang til våre område. I dette høve vart det sett i gong arbeid for å involvere Eidfjord i Voss Aust veterinærvaktområde, og å få på plass ny avtale med veterinærane. Landbruksdirektoratet vart orientert om prosessen og planane. I første omgang var tilbagemeldinga at det ikkje vil følgje pengar med overgangen. Til slutt var svaret at direktoratet ikkje kan godkjenne endringa, og heile vakttilskotet til Voss aust ville bli trekt ved gjennomføring (gjeld vakt utanom ordinær arbeidstid). Argumentasjonen var mellom anna at Landbruksdirektoratet, som har ansvaret for geografisk veterinærvaktinndeling, vil vente med ei omorganisering til ny kommunestruktur er på plass i 2020.

Vurdering

KOMMUNAL FINANSIERING/ØKONOMI

Vaksdal kommune har avsett inntil kr. 210 000, - per år til å sikre tilstrekkeleg veterinærtilgang i kommune. Dette er vesentleg meir enn kommune sin part av utrekna fellesutgifter (kr. 157.500,- for 2018, og det er soleis dekning for utgiftene i budsjettet.

For framtida er det viktig å leggje til rette for at oppdragsmengda for veterinærane på dagtid vert oppretthalde (veks). Dette kan skje gjennom å vekse på kjeledyr og hest. Det andre vekstområdet er at veterinærane overtek meir inseminering av storfe. Her kan kommunane vere med å påverke situasjonen. Og ved å oppretthalda oppdragsmengda på dagtid, vert det fleire å fordela på vakt på, som kan gjere at trongen for tilskot minkar.

VOSS KOMMUNE SOM ADMINSTRASJONSKOMMUNE

Rådmannen meiner at etablering av ein fast administrasjonskommune for handtering av veterinærvaktordninga, vil gje ein tenleg praksis, med god kontinuitet. I dette høve er det naturleg å leggje denne funksjonen til Voss kommune, som den største landsbrukskommunen.

VETERINÆRDEKING I EIDFJORD PÅ DAGTID

Dagens inndeling av veterinærvaktområde er først og fremst knytt til vakt utafor ordinær arbeidstid. Bruk av veterinærar på dagtid er ikkje styrt av dette, og det er no lagt opp til ei løysing der veterinærane i våre veterinærområde også kan dekkje Eidfjord. Vaktordninga på kveld og i helger, vert organisert som før, gjennom Hardanger vakt-distrikt. Veterinærane som er på vakt innafor Voss vest og Voss aust, stiller opp i naboområdet når vegen er stengt.